

Broj: 06-11-94/2023-R-3-9
Sarajevo, 19.09.2023. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br.: 39/14 i 59/22), sekretar Vlade Federacije Bosne i Hercegovine, d o n o s i

O D L U K U
**O PONIŠTENJU POSTUPKA JAVNE NABAVKE ROBA – NABAVKA SERVERSKE OPREME ZA
POTREBE GENERALNOG SEKRETARIJATA VLADE FEDERACIJE BOSNE I HERCEGOVINE**

I.

Poništava se postupak javne nabavke: Otvoreni postupak za javnu nabavku roba – nabavka serverske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-94/2023-R-3-1, broj Obavještenja o nabavci sa portala javnih nabavki: 854-1-1-64-3-26/23 od 13.07.2023. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 51/23, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-94/2023-R-3 od 06.07.2023. godine. Javna nabavka provedena je putem Otvorenog postupka. Ukupna procijenjena vrijednost nabavke iznosila je 340.000,00 KM bez PDV-a.

Obavijest o nabavci, broj: 854-1-1-64-3-26/23 poslana je na objavu 13.07.2023. godine, te je istog dana objavljena na portalu javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 51/23.

Tendersku dokumentaciju preuzeo je 31 (tridesetjedan) privredni subjekt, a 4 (četiri) ponuđača su dostavila ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: KING ICT d.o.o. Sarajevo, ARTCO GROUP d.o.o. Sarajevo, KONZORCIJ: TENEO d.o.o. – nosilac Konzorcija, BBS d.o.o. – član Konzorcija i KODEKS d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-95/2023 od 22.02.2023. godine, izvršila je pregled i ocjenu ponuda, te konstatovala da nijedna od primljenih ponuda nije prihvatljiva.

Ponuda ponuđača KING ICT d.o.o. Sarajevo odbačena je iz sljedećih razloga:

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 4. TAPE LIBRARY UREĐAJ, u rubrici Tehnička specifikacija, između ostalog, traženo je: „ • *Mora biti kompatibilan sa Microsoft System Center DPM 2019 i serverom tip 1 iz ponude;* • *Podržava LTO-8, LTO-7 i LTO-6 kasete;* • *Tip drive-a: LTO-8 Ultrium;* • *Host konektori: 12 Gb/sec SAS*“.

Pregledom Ponude, odnosno tehničke specifikacije, konstatovano je da je Ponuđač ponudio uređaj HPE STOREVER MSL2024 proizvođača HPE, sa ugrađenim jednim drive-om tipa LTO-9, brzine 12 Gb/s SAS. Da bi se ispoštovali zahtjevi iz tehničke specifikacije za ponuđeni uređaj proizvođača HPE, trebalo je ponuditi uređaj sa ugrađena dva tape drive-a i to: LTO-8 koji podržava brzinu 6 GB/s SAS koji je kompatibilan sa System Center DPM 2019 i LTO-9 koji podržava brzinu 12 Gb/s SAS, a kako bi ponuda za tape library bila u skladu sa karakteristikama u tehničkoj specifikaciji: „*mora biti kompatibilan sa Microsoft System Center DPM 2019 i serverom tip 1 iz ponude, Tip drive-a: LTO-8 Ultrium i Host konektori: 12 Gb/sec SAS.*“.

Ponuda ponuđača ARTCO GROUP d.o.o. Sarajevo odbačena je iz sljedećih razloga:

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 4. TAPE LIBRARY UREĐAJ, u rubrici Tehnička specifikacija, između ostalog, traženo je: „ • *Mora biti kompatibilan sa Microsoft System Center DPM 2019 i serverom tip 1 iz ponude;* • *Podržava LTO-8, LTO-7 i LTO-6 kasete;* • *Tip drive-a: LTO-8 Ultrium;* • *Host konektori: 12 Gb/sec SAS*“.

Pregledom Ponude, odnosno tehničke specifikacije, konstatovano je da je Ponuđač ponudio uređaj HPE STOREVER MSL2024 proizvođača HPE, sa ugrađenim jednim drive-om tipa LTO-9, brzine 12 Gb/s SAS. Da bi se ispoštovali zahtjevi iz tehničke specifikacije za ponuđeni uređaj proizvođača HPE, trebalo je ponuditi uređaj sa ugrađena dva tape drive-a i to: LTO-8 koji podržava brzinu 6 GB/s SAS koji je kompatibilan sa System Center DPM 2019 i LTO-9 koji podržava brzinu 12 Gb/s SAS, a kako bi ponuda za tape library bila u skladu sa karakteristikama u tehničkoj specifikaciji: „*mora biti kompatibilan sa Microsoft System Center DPM 2019 i serverom tip 1 iz ponude, Tip drive-a: LTO-8 Ultrium i Host konektori: 12 Gb/sec SAS.*“.

Ponuda ponuđača KONZORCIJ: TENEO d.o.o. – nosilac Konzorcija, BBS d.o.o. – član Konzorcija odbačena je iz sljedećih razloga:

- Ugovorni organ je dana 18.08.2023. godine izvršio izmjenu Tenderske dokumentacije, broj: 06-11-94/2023-R-3-1, odnosno izmjenu Aneksa 3 – OBRAZAC ZA CIJENU PONUDE – ROBE (SERVERSKA OPREMA) i objavio izmjenu iste na portalu javnih nabavki.

Ponuđač KONZORCIJ: TENEO d.o.o. – nosilac Konzorcija, BBS d.o.o. – član Konzorcija je preuzeo izmjenu Tenderske dokumentacije, dana 18.08.2023. godine u 15.15 sati i prilikom pripreme Ponude trebao je koristiti izmijenjeni Aneks 3 – OBRAZAC ZA CIJENU PONUDE – ROBE (SERVERSKA OPREMA). Pregledom Ponude konstatovano je da Ponuđač nije koristio izmijenjeni OBRAZAC ZA CIJENU PONUDE – ROBE (SERVERSKA OPREMA) - Aneks 3.

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 4. TAPE LIBRARY UREĐAJ, u rubrici Tehnička specifikacija, između ostalog, traženo je: “ • *Maksimalno 2U visina*“.

Pregledom Ponude, odnosno tehničke specifikacije, konstatovano je da je Ponuđač ponudio uređaj proizvođača Lenovo (IBM) TS4300 3U Tape library-Base Unit visine 3U, što nije u skladu sa tehničkom specifikacijom u kojoj je traženo: „*Maksimalno 2U visina*“.

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 6. ORMAR ZA SMJEŠTAJ SERVERSKE I MREŽNE OPREME (SERVER RACK) SA UGRAĐENIM UPS UREĐAJEM I POWER DISTRIBUTION UNIT-OM (RAZVODNIK NAPAJANJA), u rubrici Tehnička specifikacija, između ostalog, traženo je:

„Karakteristike power distribution unit-a: • Minimalno 2 vertikalna razvodnika napajanja (Zero - U montaža) – 16A, minimalno 18 komada C13 i 2 komada C19 konektora, digitalni display sa mogućnošću prikaza trenutne opterećenosti, interfejs za nadzor preko Web/SNMP, vertikalna ugradnja u ormar uključujući sve potrebne dijelove za montažu, kompatibilno sa ponuđenim UPS uređajem“.

Pregledom Ponude, odnosno tehničke specifikacije, konstatovano je da je Ponuđač ponudio Power Distribution Unit 00YJ77 proizvođača Lenovo. Ponuđeni model ne posjeduje karakteristiku traženu tehničkom specifikacijom: *„digitalni display sa mogućnošću prikaza trenutne opterećenosti“.*

Ponuda ponuđača KODEKS d.o.o. Sarajevo odbačena je iz sljedećih razloga:

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 3. STORAGE UREĐAJ, u rubrici Tehnička specifikacija, između ostalog, traženo je: *„• 10 Gb iSCSI SFP+ 8 port dual controller, mogućnost konfiguracije minimalno RAID 1, 5, 6, and 10, hot spare“.*

Pregledom Ponude, odnosno tehničke specifikacije, konstatovano je da je Ponuđač ponudio Storage uređaj Huawei Oceanstor Dorado 2000, proizvođača Huawei koji ne podržava mogućnost konfiguracije RAID 1 i 10, a što nije u skladu sa tehničkom specifikacijom u kojoj je traženo da ponuđeni uređaj mora imati: *„mogućnost konfiguracije minimalno RAID 1, 5, 6, and 10“.*

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 4. TAPE LIBRARY UREĐAJ, u rubrici Tehnička specifikacija, između ostalog, traženo je: *„• Podržava LTO-8, LTO-7 i LTO-6 kasete; • Tip drive-a: LTO-8 Ultrium; • isporučiti 24 kasete LTO-8 RW sa kapacitetom kompresovanih podataka od 30 TB kompatibilne sa tape library uređajem; • Host konektori: 12 Gb/sec SAS“.*

Pregledom Ponude, odnosno tehničke specifikacije, konstatovano je da je Ponuđač ponudio uređaj HPE STOREVER MSL2024 proizvođača HPE, sa ugrađenim jednim drive-om tipa LTO-8, brzine 6 Gb/s SAS i 20 HPE LTO-8 30TB RW kasete. Da bi se ispoštovali zahtjevi iz tehničke specifikacije za ponuđeni uređaj proizvođača HPE, trebalo je ponuditi uređaj sa ugrađenim dva tape drive-a i to: LTO-8 koji podržava brzinu 6 GB/s SAS koji je kompatibilan sa System Center DPM 2019 i LTO-9 koji podržava brzinu 12 Gb/s SAS, a kako bi ponuda za tape library bila u skladu sa karakteristikama u tehničkoj specifikaciji: *„Tip drive-a: LTO-8 Ultrium i Host konektori: 12 Gb/sec SAS, te isporučiti 24 kasete LTO-8 RW sa kapacitetom kompresovanih podataka od 30 TB kompatibilne sa tape library uređajem“.*

- U Tenderskoj dokumentaciji, Poglavlje IV PODACI O PONUDI, tačka 1. Sadržaj i način pripreme Ponude, između ostalog, propisano je: *„... Pri pripremi ponude ponuđač se mora pridržavati zahtjeva iz Tenderske dokumentacije.. Ponuda treba sadržavati sljedeće: ... 10. Obrazac Izjave o podugovaranju – Aneks 8... Ponuđač je obavezan da pripremi ponudu u skladu s uvjetima utvrđenim u ovoj tenderskoj dokumentaciji. Ponude koje nisu u skladu s ovom tenderskom dokumentacijom će biti odbačene kao neprihvatljive, sve u skladu s članom 68. Zakona.“.* Također, na strani 3 Tenderske dokumentacije, u dijelu NAPOMENA propisano je: *„Svi Aneksi, osim Aneksa 1 i Aneksa 11 trebaju biti sastavni dio ponude.“*

Ponuđač KODEKS d.o.o. Sarajevo u Ponudi nije dostavio Obrazac Izjave o podugovaranju – Aneks 8, kako je traženo u Tenderskoj dokumentaciji.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-94/2023-R-3-8 od 18.09.2023. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove